


福惠全書



						漢書門
二	一	二	一	二	一	
冊	架	函	號	類		

冊三止

庫文閣内		内閣文庫	
番號	漢	2421	
冊數		12 ( 12 )	
函號		297	39



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



福惠全書卷之五十一

漕船催償

凡近運河州縣漕船重運回空刻有催償之責每歲遇漕  
 艘通行之時便須預撥工房民壯晝夜守候河干遇漕艘  
 入本州縣界內即索本頭船艙單單上填明某省某衛某  
 船運官某人領食某年某糧本船帶共若干隻旗丁某某  
 若干名于某月某日時入境抵某處請不許停泊片刻及至  
 口岸偷賣糧米裝載私貨如有此等立刻稟官拿究申報  
 俟船至出界地方仍索報單填寫如前于某日時抵某處

日  
時  
圖  
書

出境許每早將昨日各帮船報單彙繳本官以便照例限  
不得填先太早出境日時不得填後太遲以漕船日行立  
拘定限恐出境太遲總河查出本州縣有催償不力之咎  
漕船停泊不惟旗丁等賣米裝貨前途他處發覺供出  
裝賣地方均有未便尤恐火燭有不戒之虞地方官則于  
連受罰矣本境河道或有淤淺窄隘之處水大時宜于淤  
淺處插立標竿使漕船憑為眼目以便由深通行走水小  
時其窄泓有泥灘沙灣屈曲難行宜令河夫導引使知所

趨避若本州縣漫不留心重運一經擦淺阻泓便生圖賴  
非云走漏濕米即索夫船盤剝任其勒詐故意耽延稍觸  
其怒彼執具文申報則壞米遲船之咎有所攸歸矣故插  
標指泓斷斷不可少也如工房河夫貽悞定行重究管河  
例係州同主簿亦須牒行申飭必往返之間平安無事亦  
地方官之幸也

河隄歲修

夫近運河及有關水利之州縣例有隄岸歲修工程有額  
設歲修之河夫每年有額設河夫之工食董其事者則在

河隄全書 卷三十一 庶政部 二

州同主簿而考其成者則在州縣印官每歲經營河道河  
廳或一次二次按臨查勘稍不如式則駁詰隨之一遇埝  
塌冲決察罰攸係故申報止稱漫水亟為修築若漕艘所  
經橫流內注難以牽挽而前恐申報者在衛弁而不待  
州縣之徘徊補救也故正印官宜留心經畫毋專聽之佐  
職以自貽悞然所謂工程有岸址寬厚者有河流身直深  
通者有岸外地淺而平者則其堤易修而可久有岸址薄  
窄者有河流折衝淤阻者有岸外地低而斗者則其堤難  
修而易壞何以言之岸址寬厚隄第增高而基工可省河

身直深通漲流順達而水不激堤岸外地淺平堤足易培  
而涵洞省力若岸址簿窄河流衝淤岸外地低斗者則反  
是所謂修築簿窄者則幫之使寬厚折衝者則順其勢而  
築之使堅淤阻者則濬之使深通而不停溢低斗者則培  
之使厚而不致崩頽其有通長朽壞而堤根不固者則必  
重新興築其興築之法計工長若干用夫若干每夫分其  
丈尺使各有責成各夫所築之工雖有分工而無分堤要  
使修築如一而無堅鬆厚薄高低不一之殊是在監理者  
而時為巡視之堤根浮土務要刻平夯碾堅實堤兩傍務

要大椿厚筴深釘密攔使土不外卸而中可堅礮併填礮石惟柴草浮鬆不宜填八每土一層礮一層如是層層夯礮土方能膠固其堤形須下寬上窄漸斜坡而上約頂平二丈底濶五丈坡斜則不受浪頭衝激底濶則堤身堅立經久堤面須圓平使中稍隆起不可低陷使人畜日行而漸凹積水壞堤其新舊堤接筴之處務要裡外融合無痕圓平堅厚不得閃離薄削缺凹使水停折激蕩而易于穿漏工完之日印官親爲察勘用大長鐵針錐札入堤拔針不得使手搖磨以水灌滿孔中不致消滲方爲堅實

若用手搖磨針孔掙緊水可良久不消此作工者之好弊也堤滲水不堅定將所分工夫役重責仍罰另行夯礮併監理工房重責仍申飭河衙督察不嚴之咎堤裡坦坡之下多栽卧柳以護堤根稍大則伐之但留小者近堤頂及面俱不宜栽柳恐樹長根深風雨搖撼損動堤身每年科伐柳枝令經管監視計束若干報明堆貯毋使偷竊朽爛以備修築之用其新堤初成宜禁人畜踐履俟雨雪霽伏之後便無礙矣然車輛最易損堤更須永禁宜于堤裡另築一道以通之庶行旅無阻而堤亦無害凡堤面有漕船

停泊。極眼宜不時填塞。堅平。毋致雨水滲入堤外。有浪激。狼窩。而預行補築。堅實。勿致三春桃汛。入秋伏漲。濤浪攻。穿。猝難堵塞。如遇雷雨連綿。河流漲盛。宜集河夫于單薄。之處。多備柴草柳束。土石鋤。之類。派定人夫。搭蓋窩鋪。晝夜防守。一經衝決。宜急下帶堵塞。毋致開潰。其河身低下之處。平時宜多作堅固涵洞。使水外洩。以殺奔騰之勢。抑亦補偏救弊之策也。夫歲修工程。誠能官吏實心監理。天役加工盡力。而又時時查看。事事預防。則堤猶有不堅固者乎。然而額設河夫。有春秋修築之責。有插筭指泓之

責。行培墊。狼窩。撮取之責。有種柳之責。有大水泛漲。搭鋪。守堤之責。一歲之中。暇時無幾。且類皆窮民。所賴資生者。止此數金之工食而已。其間管河巡查。規禮有費。經承監。修飯。食造册。紙張有費。若印官又行剋扣。則所領幾何。其弊必致有併夫而食者。夫併而各額。則缺額缺而修築。需入其夫。寧更有餘資。以為僱募乎。官長深知其故。苟歲修。稍可支持。便為停省。乃至遷延日久。不幸而雨霪河漲。堤岸衝潰。將束手而坐。受其荼毒矣。以為與其待衆而多方補救。莫若廩餼按數支給。使巡查規禮。聽其扣存。經承

神皇正統記 卷三十一 五  
飯食紙張嚴飭不許需索其額夫造冊點卯取連名五結  
不許短少如此則各夫糊口有資自不敢併夫而悞用苟  
有踈玩雖嚴法繩之彼將努力自奮而不敢加怨于官長  
矣故欲河堤工程歲修而盡力又必自河夫不缺額工食  
不剋扣始

### 平治道塗

夫往來道路雖山僻州邑猶須修葺平坦使水陸無阻况  
衝劇之孔道乎凡有溪河之處深廣則宜設官渡于何項  
節省而給以工食淺狹則建造橋梁酌其大小而爲之捐

募至于途遠無人烟可止者宜建郵亭令行旅少爲憇息  
以甦勞困如郊野夷曠于大路兩傍勸附近居民及鄉地  
人等多栽榆柳山松使炎天可以避暑寒月可以爲薪其  
樹仍屬所植之人而官不與焉傷人擅取者有罰或地有  
所主卽令主栽如主不栽官設法栽植卽爲官樹地主不  
得擅伐如此則政績無所不張而行者居者均有所賴矣

### 建立坊舖

夫州邑之有名賢名蹟如人之有美眉目身之有美衣冠  
而不表而出之是與黔面顰顏被鶉帶索者等耳而烏睹

禮志金書 卷之三十一 州郡 六  
其秋。瞳芝。字切。雲。曜。日。之。都。哉。故。博。雅。君。子。聞。先。哲。之。遺。  
風。攬。昔。賢。之。勝。槩。不。勝。流。連。而。羨。慕。之。况。牧。宰。之。躬。蒞。是。  
邦。而。不。訪。求。摛。採。以。爲。表。章。之。盛。事。乎。故。或。里。居。幽。僻。則。  
爲。榜。芳。名。于。周。道。跡。鄰。近。地。則。爲。標。逸。事。于。豐。碑。但。期。有。  
美。之。必。登。莫。令。遺。賢。而。削。色。至。于。馳。傳。鋪。舍。亦。州。邑。之。標。  
幟。也。宜。五。里。十。里。一。設。以。至。三。十。里。鋪。而。止。使。行。旅。未。瞻。  
雉。堞。之。連。雲。先。識。津。亭。之。峙。野。不。猶。爲。百。里。侯。壯。其。威。采。  
乎。所。謂。游。刃。有。餘。治。劇。以。暇。者。此。其。一。班。耶。

修葺館署

凡州邑處于衝途。上司使客往來。自多卽簡僻之區。亦時。  
有方面監司。按部與仕紳見訪。若館舍荒涼。居停卑陋。何。  
以展恭敬而成政理乎。故單子過陳。因宰不致餼。里不授。  
館。而知陳必亡。子產如晉。因諸侯舍于隸人。輸幣委之暴。  
露。乃壞其垣而納車馬。趙文爲之謝罪。考之周制。貴國賓。  
至視敵國之賓。班加一等。而益虔。王使至。視貴國之賓。皆。  
官正蒞事。而監之上卿。所以修鄰好。敬大邦。而恪尊天使。  
也。今州邑設有察院。乃備憲節之經臨者。宜歲時修葺。彩。  
繪。一應供帳器用。與旗幟執事樂人輿皂衣帽。俱預製。整。



齊造冊點記貯庫備用。令庫書收掌。兵工房照看。毋致遺失。毀壞。其過差使客經臨。如地方凋瘠。無有閒房。可備館舍。宜擇關廂寬大潔淨。客寓免其襍。差于使客將臨之際。該管人役。預為知會。掃除鋪設。一應供給膳餐。廩餼。如司馬陳芻。工人展車之屬。無不備具。使賓至如歸。大小莫不懷愛。是非儼然成周之盛制乎。往往有司務為荒陋。以形瘠苦。然則維衰振敝。而諸務畢舉者。果何在哉。故古之有國者。不敢以賓至無備。獲罪于天王。諸侯。今之為州邑者。又可以自甘褻越。取咎于上司使客乎。

城門報單

夫邑治處于省會郡城。其冠蓋往來。行旅出入。固槩難探報。若簡僻州縣。非如通衢孔道。其仕紳商販。往來無幾。則城門可以時至而時報也。新官蒞任之始。即宜出示。申飭守門門軍。除在城紳民親友入城。問明免報外。如係拜訪本州縣賓客。一到城門。即須問明。是何仕宦姓諱。何處籍貫。或往某處至此。經過。或徑來此。現在何店家安歇。逐一問明。仍請回寓。暫駐。俟報明本官。自行拜謁。該門軍即行寫單。密報。應否拜會。以憑本州縣定奪。如有騎馬帶械之

人卽行攔阻。行客說令城外行走。有公事入城者。亦應問明。何差何人。或到營。或到縣門軍。卽時稟報。違者重究。蓋賓客見顧。或好友經過。未忍愬然而去。或親知遠至。必懷希望而來。好友乃吾所歡接。豈無投轄之留。親知亦誼所難拒。當盡解驂之意。又何必待彼先施。而始爲答拜乎。至于素無相識。游屐浪投。彼旣無他徑之由。我亦得卸不知之罪。則飲水茹藥之餘。又可省此無益之應酬矣。然須預飭門軍小心。婉稟不得以戇氣粗言開罪。一經查出。併究不貸。

### 佐貳濫刑

夫衙官濫受民詞。律有明禁。然每有民間口角爭鬪小事。不便瀆控于印官。而但具稟于佐貳。亦有憤懣無洩。欲令稍傾煙臺。而爲衙官作壺榼之需。爲衙官者。因廉俸之有限。不無鼻錙銖以資薪水。然宜召兩造。而以理論之。使親友証佐爲之處釋。以聊受其紙張而已。此亦律設大法。理順人情之意也。夫何擅作威福。遽爾加刑。鞭撻之餘。又施三木。豈不謂之肆無忌憚乎。甚有假堂上之批詞。以爲虎嚇之具。因勢矜之呈送。遂爲狐媚之行。因而濫禁監倉。恣

其凌虐是所謂傳虎而翼者矣。夫爲堂官計，與其有事而加飭，有傷同寮之雅，莫若先事而婉，戒使知自儆之優，倘漫不爲意，堂詞未可輕批，宜召該書嚴加切責。若少自知愛，未有不惕然斂戢者矣。雖然，表正則影自直，苟堂官息訟寧民，慈祥素抱，雖貪暴之徒亦將化爲廉靜，敢更有多事而肆虐者哉。

### 嚴飭開津

設關之意，在于固疆圉而守關吏卒，遂多立私稅以抽商，非需索銀錢，卽抽其貨物，使商賈視爲畏途。甚有借盤奸詰究之名，婦女經由必令停車褰帷，輕薄恐嚇，非得錢才肯放行。設渡之意，在于通往來而操舟夫役，每結黨而橫肆，或按頭畜論價，或照貨物論錢，一過轎車靈柩，則隨意勒索。每當雨雪泥濘之時，必多人抬鼻，始克登舟，而岸傍皆伊黨類，任其呼倩，反袖手柳榆，而不顧彼行旅。旣慮長途日暮，難以羈程，兩厓皆屬荒原，又無宿店，不得不忍氣吞聲，任其飽擊，竟有詐錢數串，銀數兩不等者。至于黃河大江，巨浸險溜之處，始則哄人上船，不論舟少人多，幾無容足，且偏驢馬參雜，行至中流，停舟索錢，人畏風波，馬驚

震撼而覆溺之患。祇在須臾。遂爾各求性命。安惜金錢。乃  
至無求而不得。此等厲民之徒。安可不嚴行禁飭。于守關  
吏卒。當移會本管。痛除前弊。若官渡既有工食。念其守候  
河干。有馱脚客貨者。盡給酒資。散人不許要錢。若私渡原  
無工食。船戶姓名報官。每馱限以二文。每人限以一文。惟  
黃河大江。給增三倍。均宜立碑渡口。通行曉諭。本州縣仍  
不時密察。如有違禁多索。立時重責。柳示則奸徒知儆。行  
旅感悅。是亦仁政之一端也。此條未信編述之  
頗詳故多採錄之

禁婦女燒香

婦人女子。謹守閨門。理之正也。後世風俗不古。婦女好為  
遊冶。遂爾盛妝艷服。玩山遊水。齋舫香輿。朝神禮佛。雜還  
于少年之羣。嬉戲于僧道之室。固無論花迷蝶戀。魂斷芳  
叢。色鬼淫魔。攝歸懺洞。卽路傍之諧謔。難辭輕薄。尖唇去  
後之風流。真禁顛狂。細論是非。自取其賤辱乎。更可恨者  
丈夫無恥。專為賣弄其妻。巾幘多淫。借此物色所愛。甚至  
卽隨身畔。見人調戲。豈非常婦。被情牽。贈彼釵鈿。欣有遇  
于是增妍飾。媚何殊。倚市之青樓。因而巨族名門。竟化勾  
欄之碧帽。若不嚴為禁革。將來敗俗安窮。宜大張榜示。先

喜

福其全書 卷之三十一 禁放節 二

諭後拿敢有仍前婦女出外閑遊入寺燒香紳衿之家嚴  
拿僕從庶民之家嚴拿夫男并容爾僧道重責枷示其三  
姑六婆乃誨淫之媒使風月之牽頭逞其邪說縱令貞婦  
也情搖落彼奸圈任是侯門皆狗竇若男子縱其來往是  
欲愛妻孥之封贈者也亦宜張榜示儆尼道姑應靜修菴  
院不許擅入人家抄化穩婆除收生外不許托故重來花  
婆斷宜驅逐不許容留本境著該地嚴查如有違抗不  
遵即時稟報以憑拿究如此則頽風少正閨幃嚴內外之  
分美俗可成士女盡關雎之德矣

禁凌錮僕婢

人生雖有貴賤性情皮肉總是一般如人自家兒子罵著  
便怕他惱打著便怕他疼若是買來僕厮一言不合意便  
罵一事不順心要打不知其獨非人子乎祇因父母貧窘  
不能養活致令失身于下賤耳為家主者彼所不知宜教  
導之彼所不能宜體諒之寒則與之衣饑則與之食疾病  
則與之醫藥勤其看視毋令凍餓而弗顧毋令患苦而弗  
聞主人恩養如此彼獨豈無良心自是感戴深恩而同父  
母縱或懶惰嬉遊失時悞事加之笞責亦不過戒其省改

永惠全書 卷三十一 賦類 十一  
彼將自悔無詞又豈敢唧怨于心耶甚有主人不正垂涎  
僕婦少艾婢女姿容背人調戲妄起邪淫稍或含羞自拒  
避嫌莫從遽加過失之條大肆鞭箠之毒必強遂所求而  
後已設其夫知而懷憤報復無從非修彼此點污之謀卽  
與早夜戕害之慘倘又惡奴事洩主萌斬草除根之心卒  
致其夫于死地而安意饜飫于此一嚮也鬼神有知豈能  
逃冥冥之察乎至于婢女蒙主公之錯愛觸主婦之妬勝  
終日非刑拷掠每令含愧輕生此皆家長不顧尊卑挾威  
恃勢釀成淫惡之端致招刻薄之報家門日見凌替衣衾

漸至蕭條未幾而子若孫妻若女又爲他人之僕厮媵媵  
矣可不哀哉可不畏哉考諸古禮男子三十而娶女子二  
十而嫁蓋古時民風朴愿男女以力作耕桑爲務而且養  
其血氣必在于方盛既定之後始可婚娶所以重人倫而  
繁嗣育也今之女子標梅之詩未賦傷春之什已裁故父  
母之愛弱息或襁褓而納徵或及笄而曰嬪惟恐青春之  
芳歲難留紅粉之韶華易盡亦可謂體貼嬌憐之殷且至  
矣夫何房中侍婢座後雙環朱顏半損未知桃夭之期白  
髮將垂猶抱孤衿之影獨不思物異情同河上春鳩感候

竝花間之晴蝶。歲徂年逝。窗前鸞鏡羞開。等廉下之歌。統若其芳心欲綻。難禁飄絮逐狂風。晚艷徒傷。竟委殘紅。墮冷砌。從此人道儼然終絕。何知夫婦之恩情。後嗣斬矣。無傳。永斷子孫之供養。言之可為涕出。聞者靡弗心酸。故為之主人者。馭下當寬而必持身以正。恤下宜溥而必匹偶。以時。子曰。已所不欲。勿施於人。恕之道也。又曰。在邦無怨。在家無怨。仁之效也。夫有是家者。烏可不以仁恕居心。而延綿遠之祚哉。宰牧蒞斯土。宜以此意曉諭其民。是亦仁恩徧逮。矜恤惟宏之盛舉也。

禁造假銀

民間所利用者。惟銀與錢而已。錢或有地方不便行使者。銀則通用于天下。乃有好徒安立爐竈。專造假銀。欺騙愚民。有梅白貼錫。挿鉛灌鉛。對衝鹽燒煎餅。種種不一。有攪鉛攪銅之互異。甚有鼎銀。謂之見風消。有假元寶。底面紋窩。宛如足色。有假銀條。雪色光瑩。謂之倭條。此三者更無分毫銀氣。若商賈遠來貿易。得此偽造之物。不亦虧本而徒勞乎。將有累足不入。而物價頓昂。百姓均受其困矣。至于農夫。終歲勤動。以獲田中斗石。冀糴銀以償一年公私。

之用當其穀賤之時每所賣石不過銀一二錢乃更低假不竟豐年之大歉耶是農民又受其傷矣宜大張示諭民間零星使用銀色聽從民便自九成以至紋足一切客商貿易貨物糴糶米穀買賣布帛等類務要足色真紋如前低假各種一槩嚴禁不許行使煎銷舖戶在本境者須投具甘結方許煎銷此外奸徒嚴行驅逐不許容留具結各舖敢有倚藉勢豪勾連市棍交通總地寅緣蠹胥仍煎銷低假許諸色人等首告或本官不時巡察立拿重責大枷按律究擬民間擅用低假者一併重懲倍罰不貸亦一

創好甦困之善政也

禁宰耕牛

夫牛所以代人而耕以備農功之用者也若聽人宰殺屠儉得以資血肉之利而骨角皮筋又商賈以之網利于四方是生者不勝其殺者之多彼力作南畝之夫又將奚賴以勤耒耜乎夫民以食為夫農以牛為力故律例禁私宰明旨戒勿殺皆所以重農用而憫其服勞以資民食也至于冥報厭忌之說猶其末者耳宜出示通行曉諭牛代爾農服勞為爾民資食之故不可擅行宰殺莊頭鄉地等互



刑憲全書 卷三十一 刑部  
相覺察如有擅宰耕牛者卽公同驗明赴官舉首審實照  
律問罪容隱者竝究若老病不堪使用及死者須向鄉地  
等說明驗其果真投結報官許宰殺食賣如扶同假捏發  
覺竝究按律例凡宰殺耕牛并私開園店及知情販賣牛  
隻與宰殺者俱問罪枷號一個月發落再犯累犯者免其  
枷號發附近衛充軍若盜而宰殺及貨賣者不分初犯再  
犯枷號一個月照前發遣示內宜以此曉之

育養嬰兒

夫上天以好生爲德仁人以惻隱爲心故春當艸木初萌

而肅殺之霜雪不降物方長養宜惜而山澤之漁畝不加  
動植禽魚猶應愛護況于人乎乃有貧民生子力不能贍  
因而棄置者多矣攷之宋淳佑間創慈幼局有遺棄小兒  
民間願收養者官爲倩貧婦就局乳視官給錢米如令此  
朝廷弘恤孤之政也又漢賈彪爲新息長鄭潭爲邵陵令  
禁民不舉子養活者千數其子女致以賈爲名鄭爲字此  
邑令卹孤之政者也寧得謂此庶人子也而與我休戚何  
與哉夫遺棄子女惟京省城市爲多其山僻叢爾或間有  
之何也以城郭人烟繁聚故所棄祇見其多而山僻鄉邨

散處所棄祇見其少也。然散處者力未能畢收，繁聚者功可以盡致。宜于寬曠充爽之處，起建育嬰堂。如宋之慈幼局，延請紳衿好義者董其事，父母官捐俸倡首，而察佐紳衿富民樂助之。僱拾工，派定方隅，每日黎明出拾，日昃而歸。每年十二人爲會首，每月輪二人每值一月之事。然會首未暇夙昔在堂，又必聘選一老成有德者居住本堂，不離時刻，以便照管。本堂一切諸務，其所收嬰兒與所僱乳婦，日積月增，而僱值之銀米稍爲不敷，則善念將有不終之懼。又必碩望盛德諸先生分任盛舉，多方勸募，俾用度

充裕而不匱，更得多金買膏腴之田，歲收籽粒，獲其贏餘以資僱值，則行之庶其永久乎。其起建育嬰堂外，立大門而周繚以垣，墻前建大堂奉祀文昌帝君，後建客堂兩廡各三楹，司籍出納會計之事皆在焉。堂左爲倉廩，右爲庖室，而兩堂三面造乳舍若干間，每間可住乳婦三人，以三十間計之，可住乳婦九十人。舍後宜各留一空院，使暑月通風，免致熱氣鬱蒸，易成瘡痛，且便于澣濯晒晾。又于舍後稍遠間置厠屋數間，以便乳婦起如。其乳舍兩廡各置總門一闔，僱老婦二人司早晚啓閉，毋令閑雜人擅入。

每乳婦除本堂居住飲食仍月給銀三錢或五錢爲僱值以資其家用須憑媒保照例立僱券以防來歷不明之弊亦有乳婦在家受僱乳養者或堂無間舍臨時酌行但每月給米三斗僱值如之無論在堂在外其住堂管事者須三日一視小兒肥瘦及有無瘡疾如瘦而有疾卽係本婦少乳併調視失宜便應戒諭令其勤慎看養亟須延醫視治婦少乳則黜之另替但乳婦小兒有疾須兒婦兩科醫家專司診視或本醫發心或預爲延訂按季作何酬謝務令闡而卽至庶無遲悞之患每有育嬰堂雖設其乳舍卑

濕狹暗前後殊無隙地夏熱冬寒氣蒸穢積瘡疥疾癘火小均嬰而兒之肥瘠不爲省覽乳婦惟利金錢有何痛癢羸疾而死者不知凡幾如是而兒之死于遺棄與死于收養止爭遲早耳有何矜恤之爲功哉其會首及碩德諸先生凡有所勸募樂施者每月擇定某日會收于三日前各會首及諸先生卽各用本堂知單傳請于是日早臨本堂值月者就本堂設饌恭候其饌每桌不過五盞一點一湯加餐而罷毋過費以示可久不必用酒所以敬事非爲劇飲也惟盛寒則三爵及之跟從卽以所撒者搗之飯令飽

勿使枵腹奔馳亦用恤下之道其樂施金錢住堂管事及  
值月會首同收接名登記于收數後結一大總以示同事  
各會首公押備照其一月收過銀米若干用過若干現存  
若干收養嬰兒若干抱養去若干病斃若干現在若干悉  
照管收除在造册于次月會收之日當眾交代下月會首  
接管銀用匣貯按數稱交米用倉貯按數驗付所謂公事  
宜授受分明也其拾工視地方之廣狹以定多寡大約城  
內外各分四隅須用八人少亦四人每人手車一輛上置  
木架冬覆暖幕以禦風寒夏被涼帷以障暑日遇有死屍

主

亦收之歸擇淨地埋瘞以昭一視之仁其所育嬰兒民間  
情願抱養者亦示期于會收之日值月及管事問明姓名  
籍貫住址作何生理登記于簿以備查考大約遺棄諸兒  
男少女多每有抱養女孩者長成希賣銀錢不問良賤乞  
事首宜詳察界之每歲文昌帝君聖誕之日本州縣官  
設醮一壇大集在事諸君將歲中樂施姓名銀米以及收  
養男女嬰兒之數備申神聽使善信福有攸歸其嬰兒  
長成者即以賢父母之字字之亦如賈鄭兩公之民以  
名名子以字字子之意以示仁恩惠政傳諸無窮也然

僅述育嬰之大畧如此至于因時因地經畫措置之詳俾無遺憾是在司牧賢侯審定而酌處之耳僻小州邑錢糧不敷拾工難保于大門外設一暖籠使無力育養者自置之亦一省便之法也

禁溺子女

夫出之毛裹而置之波濤者豈得已哉蓋因貧不能自贖而又乳哺以妨力作襁褓以費營求故與其為一以累母寧存老而棄小雖然為父母者亦忍矣棄之中野聞呱聲而動惻猶有可活之機付之橫流查孩赤以沉踪永無再生之路乃州邑大父母寧不為其生父母而疾呼以禁

乎昔余仲寬之宰順昌也乃作禁殺子文勸其鄉人無得殺子歲月之間活者千計夫仁人一言舉無限幼穉之魂而奪之于馮夷之手其福德可勝量哉諺云虎雖惡不食其子言慈愛之心尚存也今之民貧者多矣忍忍其子不虎若也我賢侯其亦跡仲寬之文而感動之則凡此之蒙長養以遂其生者非即歌騶虞以頌仁風于無已乎

建救生船

昔宋郊渡蟻而兄弟身登廊廟揚賈縱雀而子孫世並公孤一物之微其報至重若救人于覆溺之中者則福祚又

當何如哉。夫州邑地處江湖之濱而往來州郡時遭風濤之險。想其八浪求生。驚魄自傷。于無路。拔軀望救。呼聲共慘。于遙聞。若其一葦之蔑。如安可援手而獲濟。故愷悌君子。倡捐俸之義舉。宏普度以作慈航。惻隱仁人。追樂助之賢風。拯危津而操寶筏。但屬崩崖斷岸之區。與夫絕渚驚飈之地。或五或十。守同斥埃之不離。若雨若風。防比敵師之驟。至倘急授一命。賞逾七級之旌。如遲悞片時。罪等網濇之罰。仍應計月以酬。傭勿令枵腹而供事。

捕滅蝗蝻

夫蝗蝻之生。多應洪水之年。又繼早乾之歲。則魚卵布地。遇暖而升。到處蔓延。望青而觸。然而物雖蟲類。實有神司。若其虔祀以求。亦或隨風而去。縱即聚族以處。依然禾稼不傷。此鴻在郊。屢試而有驗者也。但鄰境之來。似可誠通本地之生。頗難情諭。非昇彼于炎火。即瘞乃于深坑。務期唯類盡除。莫使遺孽復熾。若或窮民能撲計斗石。以出粟為償。果其重災可移。雖肺腸亦願糜以代幸。司牧之早為留意。庶羣黎之先事預防。

福惠全書卷之三十一終

稟啓附 四六大啓

候某協院

伏以龍飛天際甲金流萬界之紅光鵠舉臺端羽玉刷九重之黃燄寰宇特爲洗色衣冠慶以騰聲恭惟台臺支天赤柱駕世形輪拔崧高之蒼秀岳靈移巒巘于鴻襟控渭上之清泓河伯貢漣漪于鶴臆陰風吹諫草寒廻青鎖之毫鏗怒電掣彈文光繞銀臺之筆陣于是功高四海爭傳折檻之風而憲肅百僚遂拜協臺之命太微垣少微垣一碣挺崑銅拔地狂飈排不動彝分野漢分野八紘紫海鐵

補天竒石觸還堅行見曳雲雙履登登響振楓庭耀日六  
衣炯炯香浮桂殿矣某才慙下駟會趨錦里之塵跡愧枯  
魚久沐玄津之潤望真人于霄漢日遠長安投下吏于海  
濱風殊閩徼

候川撫劉公

伏以捧日月而作重瞳重暈重輪照耀被四天下挈地  
天而歸一手一經一緯平成高百代之中已聞焚草慶清  
時又見采薇歌遠鎮恭惟台臺撐霄岳撼海才清臂力  
挂雲閣而十萬里漂星浴宿之銀河可高攬斗杓而掬盼

光擊電闐卽三千丈割夜破昏之王燭應遠燎輪鑑之臨  
秀甲欽崙不爲醫巫閻葛抗起幽燕之宇勁爭犂卒真如  
華不注忽飛來堯舜之庭折檻播雄聲霹靂鈴車轟諫省  
奉常翹峻表昆命銅柱聳朝班炯秋月之孤懸九列光生  
共指晶蟾卿寺出壯曉風于八面三川響裂咸驚鼓角鉞  
臺開古錦城金錦城玉壘浮雲揮塵何難立掃大劍戍小  
劍戍金牛落日挑戈卽可重迴行營冠功閣而獨擅麒麟  
入睿幄而永符羆虎某仕林檮質宦海萍踪仰青岱而蒙  
收久厠亭云之列飲滄溟而知感難修涓滴之酬縹緲行



仙瑞氣正占天五色艱難作更苦心空費日千籌未遑擁  
簞清塵敢用芹陳上從伏願拂秦鏡而下照俯披一寸之  
私控罰宇以高擎蚤勒萬春之績天衡喬待 帝眷崇膺

候文宗某

伏以文昌上將當聖人御世而益騰魁斗之光旗鼓中原  
有才子主盟而倍長坵壇之價臨風相慶依宇良欣恭惟  
祖臺接天峻表蓋代雄才燦萬花于手管紅飛杏苑之奇  
香剪雙水于瞳輪青映蠡湖之巨浸詰戎駕部胸埋十萬  
甲兵樹幟文臺頡挈三千禮樂如伯樂空群而一顧行天

逸駿應發交河瀚海之嘶似中郎過疊而相知絕世焦桐  
定舒清廟明堂之響化浹棫莪幸 聖天子之作人有賴  
澤深桃李知大宗師之造士偏奇 某腹慚武庫當年喜侍  
清塵筆謝詞鋒此日驚瞻燄藻借文星而照里依光之願  
堪酌媿宦海以羈踪擁篲之情莫展芟芟束菲肅肅裁楫  
薄志賀私統惟崇鑿

候水巡臺

伏以襄帷閩國者定樹八道風猷陳臬外臺綱紀作四方  
表率遙分鏡韻如映水靈恭惟台臺道岸先登儒林首出

襟度與西湖競爽秀挺雙眉文芒共北斗爭寒花飛片楮  
 自升華于臺秩曾凝白簡水霜暨較藝于楚封益耀青箱  
 桃李中外之剔歷日久君民之籍重殊深露冕行春光照  
 蕉源翠色垂紳駐節威生芹浦雄風恩徧洒以為膏佇登  
 三獨印雙懸而如斗貞度百僚蓋胸有數萬甲兵安試錯  
 盤而不可且神普三千世界何難屬轄以兼司爭看執玉  
 之榮會見賜金之寵某猥以監備謬叨俗吏蟻封盤馬果  
 何以迴策如榮雞邑烹鮮終且懼負乘致寇苟皇聞命戰  
 慄撫躬所恃巨庇可乘雲是以遐思先仰斗拜下風於咫尺  
 敢云蛩和琴音冀河潤以滋培庶得蘿因松茂託之百  
 頡馳以寸衷

候潘守臺

伏以宿映台垣憲節分旬宣之重望隆玉帳經綸歸控制  
 之權預展候閣佇聽曳履恭惟台臺忠結主知學先民覺  
 胸襟修異氣吞禹穴晴雲才思清瑩手弄聖湖明月歷試  
 公卿于中外旋資屏柱於藩宣西省參和江上之珠輪動  
 地外臺執法區中之丹穎流恩人望攸歸帝心簡在擁  
 旌旄而臨兩鎮鳴珮玉以翰八閩威名同吉甫之佐周萬

福惠全書 卷三十二

井嬉遊。謳夜月。聞譽比。召公之分。陝千秋。鞏固樂。薰風蓋。  
符握南。邦業砥。乾維於半壁。佇寵頒。北闕應。持斗柄。於三。  
台。某。樸。椒。庸。材。僅。拾。鷄。步。風。塵。賤。吏。謬。潤。蝸。延。初。領。一。同。  
躑。躑。深。虞。折。北。久。依。萬。厦。命。提。實。籍。指。南。願。弱。縞。以。兼。收。  
鴻。毛。亦。採。希。折。鈎。之。不。棄。天。治。咸。鑪。卽。擬。披。雲。預。修。短。奏。  
茲。懸。就。日。敬。瀝。夙。衷。不。盡。刻。裁。統。惟。照。監。

候錢天尊

伏以五典佐王。績茂握蘭之省。一塵出守。寵分剖竹之符。  
是以活萬人者。封于以酬五馬之貴。恩覃海甸。瑞靄榕城。

恭惟台臺。聖代番興。熙朝柱礎。九苞鳳彩。輝騰二竺之雲。  
百斛龍文。潤洒六橋之雨。得宇宙之清者。烟若星辰。當雪。  
霜之紛者。巋然松栢。方效發矟之用。卽趨詮筆之班。世推。  
明允。臯响三尺。持平於法。部人服廉威。趙朴千古。建節於。  
朝歌。夔鐸律中。紫氣光橫。牛斗九峰。簾內孤標。影綴雀。  
中郎。豈薄睢陽耶。聊煩卧護。朝廷深知弱翁矣。行卽名歸。  
某。一經未究。六翻無成。捉封謬領。一同縣譜。無聞三異。幸。  
步清塵。矢心效其正。芻蕘追芳。躑引領欣。為執鞭部。慶觀。  
風臺。依近水。願有天而不。丕冒擬。卽日以。握趨先布。璽音。送。

福惠全書 卷三十二 候錢天尊

于鴻造

候許刑館

伏。以。奎。壁。燦。人。文。四。海。集。英。雄。之。毅。風。霜。嚴。法。署。九。霄。分。使。者。之。符。同。籍。爭。榮。未。僚。動。色。恭。惟。台。臺。虞。山。名。儔。震。澤。奇。英。宮。錦。為。心。披。藻。昭。回。雲。漢。色。明。珠。作。唾。驚。風。紛。落。筆。臺。花。登。杏。苑。之。詞。壇。科。名。領。袖。探。錦。帆。之。學。海。紳。笏。源。頭。獨。對。楓。宸。合。在。學。士。八。磚。之。地。爰。標。李。署。來。佐。福。星。一。路。之。邦。法。案。對。青。天。滿。袖。清。風。噓。雲。蓋。覆。盆。瞻。白。日。九。霄。甘。雨。洒。天。池。布。福。於。詮。筆。讞。書。洽。恩。於。泣。車。湯。網。會。見。仁。心。

廣。被。繼。召。菱。而。咏。騶。虞。固。知。惠。意。弘。敷。女。于。門。以。迎。駟。馬。某。躬。慙。短。羽。力。借。長。風。緬。記。燕。臺。附。驥。喜。分。杏。籍。之。餘。榮。于。今。岩。邑。烹。鮮。自。覺。荀。班。之。迥。隔。朝。夕。受。事。于。左。右。提。命。漸。引。于。周。行。懼。溢。伸。眉。感。深。刻。腑。擬。趨。鳴。閣。預。奏。魚。書。心。曲。葵。葵。毫。端。草。草。

候張三府

伏。以。瑞。擁。雲。門。七。瀾。發。山。川。之。靈。藹。祥。迎。日。戶。八。閩。流。寔。電。之。嚴。光。望。切。鴻。庥。情。深。斗。仰。恭。惟。台。臺。文。心。鉅。匠。天。日。奇。姿。屈。注。銀。潢。萬。頃。之。波。瀾。注。管。高。搖。玉。塵。半。空。之。雲。霧。

雁惠全書 卷三十二 候張三府

生衣巍科。蜚鄉國之聲。茂績播神明之頌。宸蓬鼎鼐。簡在股肱。甘霖隨滿。黃堂星屏。散彩惠露。草廷赤社。風骨標華。甲秀色于西子。湖中擅雄才于夷君。峰下雲蓋。爭傳香案。吏歡擁朱幡。天池快觀。玉堂仙欣瞻紅幕。某學慚為長官。喜得師山城。馴雉深懷。鳴綺之風。滬瀆烹鮮。未聞奏刀之巧。幸儀型伊邇。可珮服為肅。弦快趨步。有規得借。薰於蘭。蒞仰祈未照。俯納細流。即日擬趨臨風粉滌。已上先君文集

送守道入賀 聖壽

伏以。馳馬朝天。紫氣飛騰于萬里。星軺拱北。祥光耀耀于

大玷乎此。斷宜拒絕者也。

請署篆

陞任之後。上司既有知照。附近省會。督撫藩臬。即宜親謝。遠則或先具稟。啓致謝。其就近道府。亦應親往面謝。凡有奉到部憲要件。面時即宜請示。作何歸結。以便遵行。如新官大選。惟陞距任地寫遠。不能即至。須詳請委署。若地方事尚有未完。恐生手一至。便有許多刁難。鄰寅僚佐。平日有情誼相契者。不妨為之商請。若地頗殷饒。未有不樂從者。撫軍方伯。素好垂青。亦即面為稟懇。方具文請署。其任

內錢穀刑名交盤冊卷料理齊備待署篆到日肯卽周旋交代便可結一任之局恐久戀地方又遇逃人盜案反爲沾滯矣。其署印官方伯具詳璠軍批允卽宜備吉啟紅批差役迎請如係本府郡丞別駕又屬上司其迎請各色儀文尤爲加謹使其喜悅更自用心也。

接新官

新任係京選者遠則照例迎接近則可直接至京係推陞者亦照例視遠近而迎其迎啓須檢點名諱與引用典故恐涉嫌疑開罪措詞宜卑謙婉曲令頭接衙役帶去臨任

儀

時雖或署篆接受交代如尚未啓行仍應設席迎風備燂致賀以申款洽毋謂交代無關可以疎畧而去後撥求舊官在任多年保無絲毫之滲漏乎

發家眷

夫官係陞遷京職及外省丞牧家眷或未便先行如係事故解任家屬歸里斷宜先行不惟舟車猶是自行辦理呼應尚靈且免臨時搬運行裝紛紜綱載道路觀之未雅所遣護送衙役須平時老成使令之人抵家卽宜犒賞路費令其早還不可久留。近聞有不肖官員離任起行地方

倉恨竟閉城門不容放行且更喧擁市衢被夫人之衣而毆及輿從者嗚呼居官至此可不耻哉可不畏哉敢並記之俾司長牧者宜著眼也

銷號件

凡任內催拘錢糧詞訟稅課事件差俱有承票各房俱有號簿于將卸事之時諭令經承原差將承催號件嚴行催結定于某日通比應催結者尚有未完仍勒限嚴催赴比另日再銷其餘可寬免者盡行註銷出示曉諭其差票勾抹隨帶入內衙如自理併襍差牙襍稅契諸號簿比銷之後亦隨交帶入免留在外以滋日後口實

弔案卷

凡本任內欽部憲件并命盜重案已經完結各案卷通弔謹查從前粘連印縫無差共若干件其未完結之欽憲件將原行詳覆底案粘連成卷共若干件其未經審結命盜重案若干件須將各案口供看語細加檢看要與原詳文相合如供看內有字語差錯不對詳文者須改正如一原被狀詞呈稟前後審取口供看及牌票應存者存應刪者刪俱挨順月日粘連用印存案使後官接審或委

員會勘免致奸胥抽換及混亂不清也以上各件俱應發房悉令該經承照數具領批發存房領狀粘卷存貯本官備照以免該承遺匿混賴前任弔查未經發出之弊其自理詞訟內民間戶婚田土應存案者其口供審語照式粘存以備日後興爭弔取前卷爲憑如不應存案文卷悉繳貯本官備查不必發房

### 毀刑具

夫重枷大板之設所以警蠢棍而示威嚴也豈常用之具乎若存而弗毀恐有乘怒騁威以戕虐民命者是誰之孽耶如在任有此干謝事之時宜盡行焚燬以滅其跡則雷霆雨露皆天地仁愛之心也

### 備文冊

卸事之時須將空白應用簿冊長文領結并紅白手本稟揭封面之類俱宜照式用印記數收貯以備一時之需免致向新官手借印殊覺煩難也

### 買補驛馬

凡驛馬有額設之數交代定須如額但有陞信卽宜購補馬匹若待臨時馬主乘機勒索高價且有養好傷殘之馬



若

倉卒難容檢擇而新官從來務要臆壯強健者其看出傷殘豈肯收受不徒費金錢乎所買補之馬須即加印烙另槽餵養以候交代若一八驛中又將疲敝不堪矣更有新官利子拆色如缺額一時難買莫辦照市值算銀亦兩便之道但止取收到驛馬印結則多寡有無皆非我所計矣

諭舖行

將卸事時須出示曉諭舖行及買辦人等本州縣自蒞任以來其日用米麵菜蔬以及布帛雜物俱係現發紋銀照市價平買並無絲毫賒取短抑即今離任伊邇恐有買辦

乘機作弊賒短舖行價值許即時喊稟本州縣以憑重究追償爾舖行毋得隱忍自累致咎本州縣言之不早也

還借辦

將卸事時宜出示曉諭各舖行及工房經手人等本州縣自蒞任以來所有借辦什物傢伙等項俱開有細數列于示後以便本人認取已嚴諭家人不許擅動俟本州縣出衙門之時爾舖行各宜俟候照數搬回毋得自悞倘有衙役勒措不還許赴本州縣喊稟以憑責究追給

賞吏役

賞吏役

夫在任多年各有該管經承自能乞恩沾惠其忠厚朴實者不敢以瑣事輕干本官于離任時所有難携粗重木器及舊屏敝簾之類或效力班頭與守門皂隸挑水打掃火夫酌量多寡均勻賞給一以酬勞一以使者輩叨去後之思也。

辭鄉紳

夫鄉紳在任相與有年素承歲時餽問其將離任自應視爵位之崇卑與交情之厚薄而畧申別敬宜命禮房將本治鄉紳現任京外及告致閑任在家以及舉貢監衿居恒往來者通行查開摺子送宅再將宅內歲時禮節底簿詳查其爵尊者或備盃幣羊酒扁額親詣致謝稍厚者羊酒扁額再次扁額俱差人致謝扁額金線墨字之不一俱鼓吹往送其餘不應送者未能徧及如鄰境有應致意者亦酌量行之以盡臨岐繾綣之忱而已但羊酒扁木俱給與價值取領存據製扁匠役亦給飯資總之善後宜周勿因惜小費而致歛怨商民也。

辭文廟常祀

文廟乃本治教化之宗城隍乃是邦福德之至此州縣朔

望所敬禮而仰賴者也。詎解綬登車而不稽首告謝乎。于離任前擇吉恭謁文廟。城隍及常祀諸祠廟。至于修葺藻飾。平日宜然。若待瀕行動念倉卒興工。則未免草率從事。弗克堅久矣。

出衙

署官攝篆無論進衙居住與否。總宜早葺公館。或借賃民房。移出庶便修理。以候新官。其出衙時須各處親加檢看。恐有字跡粘貼牆壁及不當人見之物。衙役及後官拾得畱作話柄。且有藏匿要件遺忘再爲入取。更覺未便也。

其衙門窗隔門戶以及櫥籠等類。皆係民膏民力所成。而本官眷屬藉以栖息者。歷有年所。若反而思之。苟有惠澤及民。飲食寢處庶無餘媿。否則仰屋徬徨。應汗流浹背。寧敢毀已成之工。又累百姓金錢乎。宜嚴諭家人毋得妄信俗說。擅毀一椽寸木。查出定行重責。出示實貼三堂。共加遵守可也。

交代

凡交盤册造成本官逐款磨對。既清于在任時。先取各房並無未完錢糧事件。甘結存據。俟新舊交代日。然後將各

房攬造交盤冊每一樣二本并批領卷宗共若干件傳請  
寮佐眼同親交新任或署任彼必查明無舛方將交盤冊  
前頁面新官寫收字用押舊官寫交字用押各執一本存  
據新官再出一印結付與舊官然後出已經交代文書印  
結申報各上臺則舊官可以翩然長往矣

辭上司赴新任

新官既經交代申報舊任必由府道藩臬出結報院陞京  
職則院給咨吏部陞外任則吏部發憑咨院給付本官以  
便到新任然辭別上司禮節儀文尤宜從厚加謹毋謂離  
任便係客官可以大意而行每每獲罪上司致有不終之  
失可不戒哉

福惠全書卷之三十二終

福惠全書 卷三十二 陞遷部

七

福惠全書卷之三十二

陞遷部

總論

夫司牧之官終日鞅掌于簿書卒瘁于政事祇憑風力之  
 操持未暇計籌于善後及一旦幸獲陞遷離任有日而清  
 夜捫心自問造福于地方者何事施惠於百姓者何人恐  
 福之未或造惠之未或施作孽既多含怨不少而奸民黠  
 棍將有起而議之者矣司牧者于此縱難免救于從前猶  
 可彌縫于今日其政關錢穀刑名謀之乎已者毋使稍留

缺畧事涉紳衿庶役及之乎人者尤須格外周旋諸寧存  
去後之思切勿惹瀕行之玷雖不敢云攀轅卧轍冀吾民  
借寇之求或亦得免室戶懷磚爲共歌推謝之去斯可矣  
至于事臨別之上官宜如循牆考父三命滋恭欵新任之  
同寅比之令尹子文舊政必告庶乎遠邇上下咸安葉雀  
以相隨前後始終無愧圖書之數卷不亦美乎

清錢糧

任內錢穀每年雖有奏銷清册然解支欵項不無移換就  
急支透暫邪以致從前奏册逐項雖清而節次通盤猶多  
未楚須將所移之項在民欠者催完補孔透那之數在官  
役者追補還倉必起解條條如額既無毫忽之遺存留欵  
欸皆清亦無多寡之謬不惟全任內經手之考成即可作  
離任交盤之定案至于存留一項惟各役工食或因公事  
而透支或尚在官而未給透支者窮役難償少則代賠多  
則抵兌別役未給者通查給數貧則補與殷則取領批存  
或亦情理之宜行總須平日之恩均何致茲時之較量否  
則解支不清那空無補致滋新任之留難而未給之奸徒  
乃乘機負義不告官而告役指稱作弊侵吞新任稍有不

而夏全書卷三十一  
浴用是持其柄而搖之則調停多費申揭損聲皆于是乎  
在矣然此務當留心于瓜期將屆之前恐遲則時日倉卒  
料理之弗遑耳

### 造交盤

夫交盤不止一事而造冊各有經承其應造者有地丁糧  
冊有雜項錢糧冊有倉穀冊有驛通夫馬冊有欽部憲  
件冊有監犯花名冊有貯庫賦罰什物冊有私鹽變價冊  
而錢穀之交盤爲尤重今始以錢糧言之夫節年任內錢  
糧自應每年終將解支款項照實徵冊查算應解者解解

獲批迴應支者支取具領狀各開卷不使分毫虧透攢造  
清冊此卽一年之底冊也如有未完民欠註明底冊俟來  
歲開徵先令補完屋欠以足去年未完倉口則一年之錢  
糧徹底全完矣今年如是來年復如是任之年無有不  
清惟本年之經徵完欠與解支實數尚待將卸事之時方  
能煞定總數其解數查照批迴如批未獲卽于交盤冊本  
項下註明其支數查照領狀通算一年扣至知事之日爲  
止不得多支一日恐接任官與上司駁查本年錢糧徵完  
應解者若未抵奏銷之限尚宜畧存作實在存庫銀兩交

代新任若經徵銀糧未抵應全完之期亦宜畧存作未完民欠交代新任接徵否則新任甫蒞無項可動未免見嫉前官不留餘地以此介介耳

查倉穀

夫倉穀所以備賑者也從前或損或罰原無定額故官將卸事未完者催交結伴力不贍者註銷出示以免里蠹原差中飽今則常平捐納米穀例報藩司領實收呈部監換給執照每年照地畝勸輸穀石本州縣具詳督撫稟題雖顆粒難容虧短至于出陳易新春糶秋糶則收納之要分

明于卸事時將每年捐納勸輸以及糶糴之數有無前任舊管以及本任動用開除備造四柱清冊每年一樣二本有無動支牌票領狀粘卷候代其實在倉穀預先自行盤驗封固更防胥役乖機偷竄如有本官卸移即須買補毋令交代盤查虧少有等不情之人弗待買補遽以虧少具申則失體面矣

查庫貯

本官新任有前官交下貯庫之物册有無某衙門解繳及本任貯庫等物須查節年貯庫紅簿照數備造清册一樣



二本候代其庫物預先逐件查點明白如有抵換遺失即係庫書侵盜嚴行究追其應交代者人命之兇器盜賊之贓仗私鹽之變價上司之贖緩與欽憲重案之應解審等物如係自理及無緊要存庫之物不必造入交盤宜將原庫簿繳銷俟交代時聽新官盤驗。

查稅契

地方課稅全書載有定額者每年自應照額起批差解無定額者每年止照舊例畧為增減起小批差解其批俱粘存案卸事時將任內節年解過稅銀備造清冊一樣二本候交代連批送驗其每年收稅底簿及更換牙帖俱宜查繳不得存留該房其口房稅契奸牙平日多隱徇不報宜于報陞之後嚴諭官牙將未經稅契者即速報稅須免其戩耗庶官牙人等攬稅者多至脅衿衙役例子印官創事時乞恩討印亦宜酌從以示加惠否則延匿不報雖却情執法亦無補于事也無額稅銀雖有贏餘但以羨補不足而本府及經承俱歲有常規州縣官所存無幾然例有之規斷不可少若稍為吝惜非屢行駁查即發示申飭以長奸猾隱漏之弊不可不知故併及之

結 欽憲件  
本任內有命盜及追贓重案事關 欽部者例有定限遲延叅處若任內未完有礙墜任應審報者速行審報應追比者速行追比若丁憂事故離任未完事件照離任官例子補官之日每案罰俸一年其批審憲件亦宜速審詳結于卸事時將 欽部未完事件并憲批未完事件各造簡明册一樣二本並原卷檢明候代如有憲件贖緩應追比者亦造册交與接管催解

清監倉

監羈人犯時宜弔簿清理固不俟卸任日爲然也然卸任清查以便交代新官其獄中有題結死罪候決之犯有軍徒候遣之犯有重案未結之犯俱應備造花名清册一樣二本候代其各犯須逐案查明實數親身詣監逐名點驗是否原案之人年貌聲音是否相對恐奸胥乘機作弊將廢疾瘖啞者抵換仍嚴飭刑胥獄卒嚴加鎖鑰謹慎隄防以候新官查驗其部憲追贓追贖之犯亦應各造花名册照式交代承追其自理詞訟監羈及追罰之犯一槩當堂逐釋註銷免致胥差滋擾

簡詞訟

報陞之後其人命盜逃重案自應照常准理其餘雀角細事以及戶婚田土或可片言剖決者即與剖決或有牽連即批令鄉地親友從公處釋若卸事將近更不宜輕准時方料理交代未暇即審以致原被証佐諸人羈遲守候費錢失時而胥役且得借端需索指官誑詐更有奸吏以暮夜之金聳動木官為怨家報仇雪憤以為時將去任即一二事稍為出入亦無害耳不知輸家豈能甘服必待新官告理扳連過付之人是官未及束裝而訟牘已形矣不亦

層霄快湛露之興歌知金莖之有賜權騰屬吏喜動天顏恭惟台臺儒林鳳羽海內龍門天挺奇才世稱異品周邦屏翰匹申伯以同聲商鼎鹽梅繼傅巖而並烈績隆行省望洽中朝茲當萬國之呼嵩乃偕群工而拜表錄成金鑑追風度於曲江詩和卿雲挹恩光于舜日聖人三祝歡情豈後于華封天子萬年文德載高于呂虎某生際昌期躬逢勝事慚負終之無由謹貢瞠而作頌伏願誠通當守道格宸衷投君無異果矢忠悃以志治毛壽國有奇方鍊仁義而為鴻寶中書二十四考壯猷永奠乎唐基廣成千二

百年至道常陳于軒錄

賀道尊壽

伏。以。至。誠。天。健。配。二。曜。以。貞。明。君。子。日。升。合。萬。靈。而。受。祉。  
遙。瞻。壽。域。恭。進。霞。觴。佳。氣。浮。天。懽。聲。動。地。恭。惟。台。臺。德。自。  
天。生。神。從。嶽。降。望。隆。各。世。應。五。百。載。之。昌。期。仁。覆。窮。簷。造。  
億。萬。民。之。命。脈。金。門。曼。倩。天。上。歲。星。采。筆。青。蓮。人。中。仙。品。  
盛。德。食。玄。穹。之。報。固。宜。台。鼎。之。崇。躋。仁。人。調。元。化。之。偏。自。  
是。岡。陵。之。叶。祝。某。久。庇。帷。幪。深。沾。培。植。觀。茲。懸。弧。之。令。節。  
曷。勝。獻。曝。之。微。忱。謹。效。蟲。吟。聊。申。燕。賀。伏。願。西。王。屢。降。頻。  
添。海。屋。之。籌。南。極。常。懸。永。註。蓬。萊。之。籍。

上兵備道

伏。以。樓。船。建。鉞。遮。海。國。以。長。城。甲。冑。如。林。壯。東。南。之。半。壁。  
旌。旗。變。色。草。木。生。威。恭。惟。台。臺。青。氈。起。第。黃。石。授。書。揭。管。  
裁。雲。賦。甘。泉。而。吐。鳳。乘。風。破。浪。起。北。海。以。搏。鵬。邊。畧。必。需。  
乎。長。才。文。事。每。兼。乎。武。備。分。藩。鎮。數。聲。刀。斗。風。清。執。象。  
憲。臺。千。里。關。河。月。靜。軍。中。一。范。驚。西。賊。而。膽。寒。海。上。孤。標。  
警。南。聲。而。頸。繫。從。容。借。筋。方。畧。如。神。談。笑。圍。碁。韜。鈴。自。在。  
輕。裘。緩。帶。羊。叔。子。之。遺。風。雅。歌。投。壺。杜。南。陽。之。軌。度。蓋。出。

則方叔召虎而入則周公召公某學困雕蟲才慚倚馬肉  
食徒訊於曹劌莫佐一籌毛錐久擲于班生未能萬里幸  
託龍門而長價徒瞻虎旅以楊休伏願戰勝廟廊永貢越  
裳之雉澄清海溢再彰麟閣之勲

謝袁撫臺

伏以天子念功恤勞臣而賜休沐至人造物收下士以廣  
搜羅榮倍登龍譽慚舞雀恭惟台臺東漢名宗延陵望族  
家傳清白波裴五月之風見地高崇望馬吳門之識希文  
雅志進憂君而退憂民叔度汪波澄不清而淆不濁班聯

侍從堂堂京兆田郎出典旬宣赫赫壯猷方叔字人春日  
歷官歲星久標赤幟于中原乃借長城於海甸力除闢難  
再造民生疏抗萬言當道驅狼之氣功成一箭高埔射隼  
之心召伯甘棠何人不咏羊公尸祝隨地稱隆事定而效  
赤松遊固已解組歸里身歸而圖明主報猶欲以人事君  
下逮庸流亦沾薦牘某質本迂疎才無表見荆州品題即  
佳士何期跡混齊竽歐陽賞識必聞人竊愧質同燕石葢  
葑菲不遺乎下體豈桃李可收于公門心切雀環情陳理  
素粗貢沼毛之敬聊將曝日之忱伏願東山命駕北闕承

恩履珮攝凌烟再樹蒼生之望功勳彰汗竹大弘名世之猷

迎鄭郡守

伏以驥足騰空夙重燕臺之價龍泉吐燄新來閩渚之光  
水部無雙福星有賴恭惟台臺奇才天挺過英妙之終軍  
德器少成壓汪波之叔度南宮獨步早觀上苑之花東箭  
馳名初領冬官之秩光依日月履曳星辰詞賦杜陵采筆  
益揮于粉署風流何遜清才出刺乎揚州以天上之仙郎  
為人間之師帥蓋漢世名公鄉多出典郡而我朝劉東山

恨不親民應看五馬之來春已卜單車之就道某官慙司  
理職攝前城越俎詎可治庖代斲終虞傷指仰瞻台從何  
異雲霓敬迓文旌聊同竹馬負弩雖羈于鞅掌登龍已切  
于神馳伏冀遄臨曷勝寵籍已上外父鄉匪石先生文集

候楊提臺

伏以龍韜雷奮九重隆閭外之權虎節雲屯四塞協師中  
之吉東國盡歸甲帳南天舊識牙旌夙庇鷹揚皮伸魚訊  
恭惟台臺文武弘猷經綸偉望敦詩書而作帥三軍瞻紫  
電之干城憑樽俎以折衝百將式朱顏于裘帶傳令則六

合標奇風雲成陣登壇而九天試秘草木知威樓船霞峙  
 金鉦連溢浦江聲甲冑霜明銀組亂廣陵濤色久擅旌旄  
 之寄更崇節鉞之尊維二東喉扼之衝近屏淮服接三輔  
 股肱之地遠翰神京特宿重兵佇煩元老風恬紫帳關寒  
 虎豹之魂日麗彤牙海絕鯨鯢之影挽天河以洗兵甲靖  
 淮澤而答昇平華注峰前立馬望岱雲之繞護峭山湖畔  
 捲旗聽鏡吹之繁歌已看威著龍裳會見助圖麟閣某江  
 介鯁生邊陲未更材同下里濫吹齊氏之竿質比輕蘿願  
 附將軍之樹雀躍興思仰止久傾于鈴閣鳧趨未逮瞻言

猶阻于戟門泐布蕪詞侑將芹獻敬馳下走用代趨承伏  
 冀台慈俯垂鑒采

賀學臺新正

伏以玉燭調和五色轉灰葭之管璇臺布澤三陽廻谷黍  
 之春始和而頌新禧椒花結彩寰宇而依舊德棧樸興詞  
 士氣懽騰官寮喜溢恭惟合臺金啓精英玉融風雅銀濤  
 珠露石渠研班馬之文錦宇瑤函嵩室讀神仙之籍卿雲  
 晻霏光浮絳帳之華壑曜昭回影映水壺之鑑世叶得師  
 之願邦收造士之資茲者律居太簇序始黃鍾元日昌辰

已轉幾衡之柄。春王召令初看。冀茨之司。淑氣迴芳。梅柳  
近瓊階而獻笑。陽和出震。薜蘿迎玉節。以含滋。試循華序  
之推遷。共仰元功之調燮。某樸樾微材。章縫賤品。縮銅有  
懼。茂弘結綬。常慚叔度。拙守之品。流最下期。一當于輿評  
高山之仰止。彌殷冀無忝于朝。鑒伏願履端伊始。長發其  
祥。頌介祉于興居。迓純禧于錫命。從此三條銀蠟。驪黃盡  
囿于東邦。佇看五夜瑤堦。鳳詔。卯求于北闕。值茲大節。曷  
展寸私。

賀上臺午節

伏以五葉奠開。炎暑共舒于化日。九畦蘭馥。芳時宰濯于  
恩波。節適屆乎天中。歡共騰于宇下。良辰既際。福履應綏。  
恭惟白臺心徹。冰壺氣鐘。玉律望崇山斗。台九有而仰止。  
依光度越滄溟。盡百川而朝宗。赴整教。晴原而撫。獮陌百  
城。棠蔭常濃。揮蜀扇而奏虞絃。千里薰風。白拂海國之攬。  
槍盡掃辟兵。何假靈符。炎景之曦。馭方升。延算偏宜。綵纒  
茲者時逢重午。節屆一陰。卯結雙扉。喜泛菖蒲之玉。縵傳  
九子爭堆。角黍之金。凡叨臨照于龍光。共切馳情于燕賀。  
某江介鰥生。荒區末吏。幸微洪庇。大厦久托連雲。欣遘令

南齊書卷三十一

三



辰微忱莫將寸草擬鳧趨而未敢托馬足以遙伸伏願藻  
火榮施愧風晝靜調羹玉鼎初乘梅子之黃拜賜金鑿早  
捧麻音之白肅忱葵向日展蕪詞

賀上臺中秋

伏以銀輪初滿秋光藻耀于朱門玉律方中霽色昭回于  
畫省瞻崇禧之介福值佳節之昌辰慶協輿圖歡騰屬采  
恭惟台臺切雲大厦浴日洪流宰六合之宏猷鋒飛斗下  
啓于秋之長夜朗叶區中劍在室而燈在帷未嘗露光芒  
之色海能涵而岳能潤蓋已全流峙之材二東之擣槍盡  
掃自隨令序偕清三秋之雲漢常明直與冰心比潔值茲  
商音正肅更羨月魄長輝令節平均碧洗四天一色舒光  
滿馭清驅千里無埃濯素魄于冰壺漾金波于銀漢華筵  
柘錦寧誇晏府之奇綉宇桂叢直勝庾樓之築某江介迂  
儒荒區未吏陬隅向晦猶仰照于容光弱草驚秋尚承恩  
于湛露伏願星辰履近岳鎮風高盈盈白露未懷聊托兼  
葭冉冉素輝微緒借傾葵藿敬陳下走薄侑蕪詞

迎東充李道臺

伏以北闕擁雙旌錫命出芙蓉之殿東隅佇四牡仁風崇

福惠全書 卷三十一  
芍藥之班龍光遠賁薊門迎肅氣以先澄豸繡徐臨沂水  
望雄風而競拂歡騰屬宋慶溢黎氓恭惟台臺應運真儒  
匡時上哲品崇嵩室合九有而景止依光度越滄溟盡百  
川而朝宗赴壑早奪螭蛛之秀式高崑玉之儔青年射策  
花明寶馬春風紫氣凌雲才濯錦江秋水允矣清滿棊堂  
借鸞樓而馴桑雉洵哉各高蓋省從雞舌而耀花驄玉節  
銅符叱馭直臨邊徼外碧雞金馬褰帷久到夜郎西益已  
靖六詔之風煙自益沐九霄之雨露惟瑯琊風稱岩地控  
齊魯之名藩兼驛傳每屬繁區筦輪裳于王會特專寵任  
暫試雄才五雲搖綽先飛麗彩于彤牙千里金城預識登  
清于玉轡故里龍蟠自談笑問南陽舊蹟天門虎卧任從  
容尋晉代風流某江表鯁生荒陬未爽拙守之品流最下  
高山之仰止彌殷天與厚緣欣覩鳳綸之自北蔭思廣夏  
漸看鴻渚之遵東伏願惠濟時乘來蘇早慰星辰履近長  
瞻福蔭于雲霄嶽鎮風高行普商霖于海國敬伸蕪奏肅  
布芹私伏冀台慈俯垂鑒采

賀濟東丹道臺兼理驛傳

伏以五雲豸繡東邦筦王會之圖四牡星軺北闕重朝宗

之典海國欣瞻鴻樹未員慶企龍光恭惟台臺秀發滄溟  
 望崇柱石文經武緯授外寄以咸宜義震仁懷道中存而  
 時出撫萬戶而庭無稽牒春風榮屈軼之華領兩郡而蔭  
 洽輿圖秋水觀神羊之迹方從魯國借保障之弘猷旋第  
 郵傳膺特恩之簡昇惟山左南通淮甸北達燕京紫陌之  
 咽喉最重而驛使上而輅車下而封事紅塵之供頓尤繁  
 散則十羊九牧誰籌會計于中樞合則萬縷千絲全鼓經  
 綸于掌握霞蒸雲擁時送九重之絳節凌霄電逐風馳會  
 見千里之瑠鞍焘地勛烈久銘玉藻姓名佇覆金甌某荒

區未吏江介鯁生手扳送迎每愧塵沾馬首蒞蒞供峙尤  
 慚職隸虎符欣瞻一路福星遠竊二天恩庇扞寸忱而肅  
 賀肅下走以陳詞伏願瑯函再錫玉節頻膺長隼高旗暫  
 作藩侯之錦塹峩冠赤舄行登禁籞于綸扉不旣揄揚曷  
 勝欣忭仰祈丙鑒無任寅恭

迎新任張寅翁

伏以馳馬出丹霄百里郎垣開雨露彤帷分赤縣雙旌靄  
 色壯風雲攀依共切蒿萊企仰尤深葑菲恭惟白臺金峙  
 精英玉融風雅錦泉丹穴儼豐沛之毓蕭曹紫電青霜如

武庫之推韓范咳唾則珠璣月露才名早掇巍科咏嘯而  
詞藻天葩文譽直空與野如干將之出匣占游刃于新硎  
譬製錦之成章識雄才于補袞聊爾棠為菱舍洵哉棘作  
桐棲甫聆入境之先聲已誦來蘇之後我雲間獨鶴繞行  
馬以前驅天上雙鳧望花城而載道豈非二東之福曜自  
為九域之台衡弟某江表鯁生蠹藂下士兩年作吏深愧  
糠粃之先一旦去官猶幸蒞葭之倚撫此瘡痍赤子念念  
惟父母遺慚顧茲盤錯巖封事事望賢良補救伏願軒綬  
蚤賁華綬飛臨葭迥律轉遙知寒谷之回春凍合梅開競  
珠輪而獻笑有懷芹曝不盡葵傾仰冀淵涵俯垂電囑

四六小啓

候揚提臺

恭惟台臺元老壯猷文人貞吉龍驤虎蹈旂常之破畧久  
宣嶽峙山凝保障之威權特重夜月敞高牙共指攬槍影  
滅春雲環細柳不聞刁斗聲高百花洲上見輕裘緩帶之  
雍容七萃營中聽鼓吹繞歌之叠奏何止金城千里共欽  
玉帳元戎某猥以短翮棲守崑疆簿書之駒隙頻勞手板  
之馬塵易困每懷幕府未展寸私雖自顧而愧仄彌深幸

麗夏全書 卷三十一  
台容而疎。或宥敬從家君。竿牘之後。薄將小子。芹曝之  
忱。通家孔李。石交倍切。于當年鈴閣。孫吳河澗。幸邀于此。  
日惟異。敦父誼于古處。畧下吏之塵踪。三疊肅陳。九頓鳴  
謝。

賀上臺元宵

恭惟台臺。慧炬高張。清標遠映。朗朗誦入懷之明月。融融  
欣有脚之陽春。東邦靜鈴柝之氛。何待金吾弛禁。北海引  
樽壘之興。不嫌玉漏頻催。值茲三五良宵。共羨一年初望。  
香車寶馬。暗隨綺陌之塵。火樹銀花。競過瑤笙之響。東君

弄春色。試觀螯駕山來。素影逐人回坐。待虹橋路啟。不數  
花開琪樹。恍疑人在蕊宮。某。旃幃久戴。乎高天。忭昭倍殷  
于介節。願金蓮之夜。永不須市。別銀燈。誦寶幄之春輝。無  
負天磨玉鏡。敬陳俚韻。肅侑清歡。伏冀台慈。俯垂茹鑒。

賀道臺午節

恭惟台臺。才涵萬有。勲炳兩間。憲府權尊。波鹵盡闕。至計  
海濱地重。月明誰載。私籬甘雨。逐朱輪千里。淋漓膏澤。嚴  
霜凝繡斧。百城凜冽。威稜值茲地臘。天中欣逢朱夏。在午  
陰生。姤則君子含章。位爲離而大人繼照。鯨影久消海國。

龍標競逐芳晨白水青蒲已識太平之有象堆金砌玉共  
欣解慍之薰風某朽質難雕葵心久向篋無襍佩莫修約  
臂之絲械有風詞用代縣門之艾敬陳竿牘肅侑芹忱

賀道臺中秋

恭惟白臺金峙精英玉融風雅朗朗入懷之慶亭亭凌漢  
之標風雷動而貪墨洗心清徹公門之水雲漢章而寰區  
景象光搖使者之星茲者素輝共挹重輪佳節欣逢三五  
雙清此夜何煩絃管吹開一碧當空早稱樓臺雅興乘槎  
河漢既勞八柱以承天綏帶軒堂試展一尊而吸月凡茲  
闡習悉屬昭宣矧列斗區敢忘依戴某繪天無技窺管猶  
慙臨月榭而玉宇臨華輒思近水望天香而金枝飄葉尤  
切瞻雲止此下吏之抒忱豈曰上交之敢擬肅將芹悃薄  
侑桂醕

迎東充李道臺

恭惟白臺鵬圖學海鳳覽儒林八絃仰經濟宗工一代推  
文章鉅哲紫占斗下鋒飛吼匣泉阿綠潤寰中瑞協濟時  
甘澍倚注雅需燮鼎敷宣暫藉褰帷方從南詔碑前立馬  
續磨崖之片石繼看東邦封內停車開菱舍之層陰士民

卷三十一 二 尊各附

預想于來蘇寮屬佇懷夫手采某臂居謫劣叨備屬員欣  
聞綸綍之自天益切幘幘于就日惟幸龍光在邇彌令  
技心慚組繫冕趨延頸關前瞻紫氣縷縷燕賀齋心  
拜明霞肅獻微忱敬馳下走仰祈丙鑒無任寅恭

復濟南金太尊

恭惟台臺氣吞湖海岳降嵩高三典佐王法雨膏濡綠野  
一麾作守台垣首燦青齊秀姑射竒姿清比濯纓之潔鍾  
淮南異彩名高華注之峰某荒區末吏江介迂儒當承大  
之四映值軒乘之來過負督郊原已幸披雲于芝宇褰帷

色笑益欣覆露于槐天乃未修稟于魚箋先誌隆施于雀  
躍尺函遠錫真如十部之榮芳頰頻噓何翅萬間之庇捫  
心知感戴德彌慚敬因憲使之旋薄具曝芹之獻敢云報  
李聊付傾葵揣役貢陳伏希崇鑒

賀充糧廳壽

恭惟台臺祥儲太乙形毓函三絲竹傳魯壁清音共指案  
前仙吏苞絡景菰城秀發群知岳降申生值茲林鍾協奏  
壽域弘開東方半刺欣蓮幕之常依南極一星比被垣而  
共耀競獻交梨火棗方瞳之紫炁盈壻何須浮李沉瓜綺

席之青麟滿座。凡茲屬邑。共切欣瞻。某模倣散材。久叨雲  
蔭。分宜趨承台陛。捧介霞觴。虔修下吏之誼。以引大年之  
祝。惟因匏繫邊隅。莫遂隊隨寮屬。肅佈微忱。代馳下走。望  
鸞。謂其未遠。祇雀躍以何從。伏冀台慈。俯垂鑒采。

賀堯糧廳代觀

恭惟台臺璠姿雪鑑。皎操冰壺。解澤潤蒼生之福。禱禱懣  
濃陽和回大地之春。龍光舉滿。頃者三年報政。車服以庸。  
之時。又屬萬國朝宗。公侯用享之日。元英勸駕。紫氣開旌。  
瀨瀦風清。吹送仙舟。登碧漢。長安日近。行瞻帝座。擁紅

雲。雖虎頭城下。遄為竹馬之迎。而豹尾班中。早看槐龍之  
舞。其職覲鳴。柔材慚剖竹。喜起竚錫。康侯實切未僚之慶。  
提攜暫違。慈母更關下吏之私。以匏繫之難辭。欲負弩而  
未獲。所為悵悵。同乎士民。而依依。先于高厚者。也。昨以滋  
陽公札。附申脂轄之誠。茲復不忝專函。聊展歌驪之意。揣  
分不嫌于再三。論心未杼乎一二。

復沂州太尊

恭惟台臺才擅國琛。氣涵天寶。魯諸儒之稽古。以飭政刑。  
漢循吏之近民。實原經術。堂殿清風。披拂桑麻。起色簾垂。



夜月歌騰禱禱揚聲蓋經濟之猷暫展一州如斗大將優  
 崇之命卽登八座倚雲高者也某猥以庸流謬當劇地時  
 逢錢穀糾紛計拙簿書鞅掌何以治邑不可急恃德化之  
 効敷不習爲吏視已成幸典型之在望特荷栽培戴德與  
 高天並永每懷奮激感表同秋色俱深况際佳辰尤懷盛  
 德盈盈白露下懷未托于蒹葭冉冉素光隆貺反貽乎瓊  
 玖揣分知慚撫膺增懼謹九頓以拜完容三薰而嗣展

迎新任張寅翁

恭惟台臺扶輿學海奎壁儒林錦毫占崑王之班藝苑奪

蟻蛛之秀科頌龍蟠異產彩襲潘花庶幾鳳宿層臺輝聯  
 魯雉當軒車之載道已竹馬之喧迎弟某樸樵匪材謬膺  
 民社十年塵欠兩載艱辛欲紓賦則前令有未竟之局欲  
 督催則小民有并徵之苦心力交窮墊賸踵累竊茲舊迹  
 告竣不煩新政榮神但弟操本鉛刀任叨巖邑當內省則  
 負疚千端每報政亦自書下考惟幸斗山重望已頰首而  
 傾心冀茲香吏仙才早更絃而奏治龍光未遠敬聽車音  
 茲因蒞役奉迎附陳不腆伏祈台照憑穎神馳

復沂州揚鄉宦

恭惟臺下簪纓世自闕名家簡任楓宸方倚承明之護  
流鷹之綽行分專閫之權侍袞龍而依彤闕望重禁垣總  
墟虎以建碧幢威揚畿甸涕野敷庸材江泉未品通籍名  
區時適逢于盤錯備員錦里庇尚藉乎賢豪依切龍旂有  
懸冕烏乃蒙瑤札載錫豐儀申命自天甫開函而色動報  
瓊無地惟對使以心慙

上京口張鎮臺

獻歲發祥履端納祐新花照席當吉甫之燕周細柳開營  
識絲侯之有子弟鳴栗鮮學剖竹多慚寒同燕谷欣逢王

者之春弱比垂蘿願附將軍之樹昨承次公之枉顧殊增  
俗吏之光華乃以倚馬卽行遂致蟻誠未展茲承孟令親  
之傾載申不肖弟之懷隴頭枝放借傳一紙春風日下蒼  
傾仰冀三台靈昭臨啓曷勝瞻馳之至

賀宿遷令君之任

恭惟白臺玉融風雅金啓精英嶺嶠千尋青嶂移來秀色  
河流九折紫瀾坐擁雄封鵬萬里以高鶩雲翼欣穿月窟  
鳳九苞而下覽棘萊聊代桐花佇看製錦以報章已奏新  
硯其若爾弟某樸傲下材濫竽滋上而老年臺命世弘猷

蘇東坡詩集卷之三十一 賀宿遷令君之任

暫為小試。已頒揚載道。朱壺冰絲。直飛越東魯。而映色矣。荒郊之與貴治。衝劇難治。政復相同。惟異老年翁。冰雪相映。肝膽相披。尺五花封。郵筒非遠。凡有相關。時思惠好。敢云葭玉之倚。庶幾唇齒之依。則弟且望淝津。而九首矣。斬

役魚箋。聊申燕賀。并陳不腆。薄貢芹私。伏冀台慈。俯垂茹



俗稱啓頭書尾者此類是也。已上六鴻學製畧言。是書成於甲戌歲之孟冬。梓於己卯歲之仲夏。計頁凡柒百陸拾壹字。凡貳拾柒萬叁仟玖佰叁拾寫。刻精工。校筆許。覈無一字潦草。訛脫誠恐。四方望利。奸徒私竊。湖川紙板粗惡。字蹟模糊。物件錯以。贗亂真。令觀者難以入目。如有此輩。懇乞賜閱金陵本堂。立馳鴻寗脚戲無既。種書堂謹啓。福惠全書四六專啓附終。

